

declarant, quedam nos, petente fratre & Coëpiscopo nostro Auxanio, statuisse commemorat, quæ universis in hac eadem causa defensionibus contrairent. Nec omit- tendum arbitror, quod in fine hujus Epistolæ, Cemelenensis & Nicaënsis Episcopatus sub ejusdem Ingenui autoritate, ab ipsomet Hilario hæc scri- bente uniuntur: Habeat itaque Pontificium frater & Coëpiscopus noster Ingenus Provinciæ suæ, de cujus dudum ab Apostolica Sede est illicita cessione culpatus: & custoditis omnibus, quæ super Ecclesiis Cemelenensis Civitatis, vel Castelli Ni- caënsis, sicut diximus, sanctæ memoriæ decessoris mei defnivit auctoritas, nihil Ec- clesiarum juri noceat, quod in altera memoratarum à prædicto fratre, ad excluden- dam cupiditatem, quemadmodum perhibuit, ambitionis alienæ, proximè est Episcopus consecratus: sed statuta correctionis forma permaneant, ut ad unius Antistitis regi- men prædicta loca revertantur, quæ in duos dividi non decuit Sacerdotes. Deus vos incolumes custodiat fratres carissimi.

NOTITIA ANTIQUA
EPISCOPATUM GALLIÆ.
ARELATENSIS PROVINCIA,
QUÆ ET VIENNENSIS II.

ARELATUM colonia Ptol. lib. 2. cap. 10. vulgò *Arles*. Trophimus hujus primus Episcopus dicitur apud Gregorium Turon. lib. 1. Histor. Franc. cap. 30. & Marinus subscripsit Concilio Arelateni primo.

MASSILIA Ptol. ibid. vulgò *Marseilles*. Oresius hujus Episcopus sub- scripsit Concilio Arelateni primo, & Proculi Massiliensis Episcopi mentio fit Canone primo Concilii Taurinensis.

AVENIO, Avennorum colonia Ptol. ibid. vulgò *Avignon*. Julianus hujus Episcopus per Pompejum Presbyterum subscripsit Concilio Agathensi, & Salutaris Epaonenfi.

CABELLIO, Cabelliorum colonia Ptol. ibid. vulgò *Cavaillon*. Philagrius hujus Episc. subscripsit Concilio Epaonenfi, & Prætextatus Aurel. V.

CARPENTORACTE Plin. lib. 3. cap. 4. Civitas Episcopalis, alias Vin- daraca, apud quam Concilium celebratum est sub Felice Papa quarto, vulgò *Carpentras*. Ex ejus Episcopis Julianus subscripsit Concilio Epaonenfi, & Clematius Aurel. IV.

TOLONIUM, aliis Telonium, de quo Notitia Imperii Romani, vulgò *Toulon*. Cyprianus hujus Episcopus subscripsit Concilio Aurelianensi quarto, & Palladius Aurelianensi quinto.

ARAUSIO, Arausiorum colonia Ptol. lib. 2. cap. 10. vulgò *Orange*. Constantinus hujus Episcopus nominatur inter Episcopos Galliæ legatos ad Concilium Aquileiense missos, & Florentius subscripsit Epaonenfi.

VASIO, Vasiorum colonia Ptol. ibid. vulgò *Veson*. Dapsus Vasionensis subscripsit Concilio Arelateni primo, & Auspicius ejusdem urbis Episcopus fuit tempore Concilii in ea habiti.

DIA, Dea Vocontiorum Antonino in Itinerario, vulgò *Die*. Saculatus hujus Episcopus subscripsit Concilio Epaonenfi, & Lucretius Aurel. IV.

CIVITAS TRICASTINORUM Livio lib. 1. Decad. 1. vulgò *S. Paul des trois Chasteaux*. Ex ejus Episcopis Florentius subscripsit Concilio Epaonen- si, & Heraclius Aurelianensi quarto.